



Broj: 02-11/5-2634-1/23  
Velika Kladuša, 13.11.2023. godine

Na osnovu Pravilnika o sufinansiranju troškova obaveza doprinosa za registrirane poljoprivredne djelatnosti, broj: 02-11/5-2634/23 od 13.11.2023. godine, Općina Velika Kladuša, raspisuje:

**JAVNI POZIV**  
**za podnošenje zahtjeva za sufinansiranje troškova obaveza doprinosa za registrirane**  
**poljoprivredne djelatnosti**

**I PREDMET JAVNOG POZIVA**

Predmet Javnog poziva je dodjela bespovratnih finansijskih sredstava za poljoprivredne proizvođače s područja općine Velika Kladuša, koji su registrirali poljoprivrednu djelatnost kao osnovno zanimanje u skladu sa Zakonom o obrtu i srodnim djelatnostima F BiH.

**II NAMJENA I IZNOS PODSTICAJNIH SREDSTAVA**

Podsticajna sredstva su namjenjena za sufinansiranje troškova obaveza doprinosa (PIO, zdravstveno osiguranje i osiguranje od nezaposlenosti) za vlasnike poljoprivrednih djelatnosti. Ukupan iznos sredstava koja će biti dodjeljena ovim javnim pozivom je 31.500,00 KM.

**III PRAVO UČEŠĆA**

Pravo na učešće za odobravanje sredstava za sufinansiranje troškova obaveza doprinosa (PIO, zdravstveno osiguranje i osiguranje od nezaposlenosti) imaju vlasnici registrovanih poljoprivrednih djelatnosti u oblasti poljoprivrede koji su registrirani u skladu sa Zakonom o obrtu i srodnim djelatnostima F BiH :

- da vlasnik poljoprivredne djelatnosti posjeduje rješenje nadležnog organa o odobrenju za obavljanje poljoprivredne djelatnosti,
- da se poljoprivredna djelatnost obavlja na području općine Velika Kladuša,
- da je je poljoprivredna djelatnost upisana u Registar poljoprivrednih gazdinstava,
- da su vlasnici poljoprivredne djelatnosti ažurirali podatke sa 31.03.2023. godine,
- da se poljoprivredna djelatnost obavlja u osnovnom zanimanju,
- da se poljoprivredna djelatnost bavi jednom navedenih poljoprivrednih proizvodnji, te da u istoj proizvodnji posjeduju najmanje jednu od pobrojanih poljoprivrednih djelatnosti:

- minimalno 5 muznih krava,
  - minimalno 5 grla tovnih junadi,
  - minimalno 50 ovaca,
  - minimalno 25 koza,
  - minimalno 50 pčelinjih društava,
  - minimalno 200 m<sup>2</sup> plastenika ili staklenika,
  - minimalno 3 dunuma pod jagodičastim voćem,
  - minimalno 3 dunuma intenzivnih zasada visokostablašica (jabučasto, koštičavo i jezgrasto voće),
- da vlasnici poljoprivrednih djelatnosti nisu korisnici poticajnih sredstava za samozapošljavanje u 2023. godini.
  - da su vlasnici poljoprivrednih djelatnosti opravdali dodjeljena sredstva od strane Općine Velika Kladuša za finansiranje doprinosa u 2022. godini.

Poticajna sredstva za sufinansiranje navedenih doprinosa će se realizovati na način da će se predviđeni iznos sredstava jednako podijeliti na sve aplikante pod uslovom da prijava ispunjava sve uvijete iz ovog Pravilnika.

#### **IV OBAVEZNA DOKUMENTACIJA**

Uz zahtjev za odobravanje sredstava podnosioci trebaju priložiti sljedeću dokumentaciju:

1. Kopiju rješenja o osnivanju poljoprivredne djelatnosti u osnovnom zanimanju,
2. Izjavu da se poljoprivredna djelatnost obavlja na području općine Velika Kladuša,
3. Izjavu da vlasnici poljoprivrednih djelatnosti nisu korisnici poticajnih sredstava za samozapošljavanje u 2023. godini koja se odnose na uplatu doprinosa,
4. ID broj za poljoprivrednu djelatnost,
5. Obrazci Porezne uprave F BiH (2002) o izvršenoj uplati doprinosa za vlasnike poljoprivrednih djelatnosti zaključno sa 31.10.2023. godine,
6. Dokaz da poljoprivredna djelatnost ima bar jednu od sljedećih proizvodnji (minimalno 5 muznih krava, minimalno 5 grla tovnih junadi, minimalno 50 ovaca, minimalno 25 koza, minimalno 50 pčelinjih društava, minimalno 200 m<sup>2</sup> plastenika ili staklenika, minimalno 3 dunuma pod jagodičastim voćem, minimalno 3 dunuma intenzivnih zasada visokostablašica (jabučasto, koštičavo i jezgrasto voće),
7. Potvrdu o otvorenom aktivnom računu u banci.



## V PROVOĐENJE POSTUPKA PO JAVNOM POZIVU

Postupak po Javnom pozivu provesti će Služba za poduzetništvo, lokalni razvoj i implementaciju projekata. Ista će izvršiti odabir korisnika na osnovu prispjelih prijava, provjerene dokumentacije. Nepotpune i neblagovremene prijave se neće uzimati u razmatranje. Sa odabranim korisnicima Općina Velika Kladuša zaključiti će Ugovor kojim će utvrditi međusobna prava i obaveze.

## VI NAČIN I ROK PODNOŠENJA PRIJAVA

Da bi ostvarili pravo na gore navedenu novčanu podršku, kandidati podnose zahtjev Službi za poduzetništvo, lokalni razvoj i implementaciju projekata Općine Velika Kladuša.

Zahtjev za ostvarivanje prava na novčanu podršku za 2023. godinu može se preuzeti sa službene internet stranice Općine Velika Kladuša, [www.velikakladusa.gov.ba](http://www.velikakladusa.gov.ba) ili u prostorijama Općine, Služba za poduzetništvo, lokalni razvoj i implementaciju projekata, kancelarija broj 13, ulica Hamdije Pozderca br. 3, 77230 Velika Kladuša svakim radnim danom u vremenu od 07:30-16:00 sati.

Ispunjen zahtjev sa svom zahtijevanom dokumentacijom se mora dostaviti lično tokom radnih dana (ponedjeljak – petak), u periodu od 07:30 do 16:00 sati, na sljedeću adresu: **Općina Velika Kladuša, Knacelarija 13, ulica Hamdije Pozderca 3, 77230 Velika Kladuša sa naznakom: „Javni poziv za podnošenje zahtjeva za refundaciju troškova obaveza doprinosa za registrirane poljoprivredne djelatnosti“.**

Nakon utvrđivanja ispunjavanja uslova za ostvarivanje prava na novčanu podršku, odlukom Općinskog načelnika će se odobriti isplata novčane podrške u visini utvrđenoj nakon obrade pristiglih zahtjeva.

Javni poziv ostaje otvoren do 20.11.2023. godine.

Za sve dodatne informacije možete se obratiti lično u kancelariju broj 13 ili putem telefona 037 775 315, kontakt osoba Tahirović Azra.

Dostavljeno:

1. Oglasna ploča
2. Službena internet stranica Općine
3. JP RTV Velika Kladuša
4. u spis
5. a/a



OPĆINSKI NAČELNIK  
Fikret Abdić, dipl. ing.